

文昌橋志卷二

建置

淳熙志曰臨川有文昌堰壅水爲埭曰堰言不成梁也浸假而聯以舸浸假而甃以石於是乎有橋水勢使然也迨成毀之數愈多而規模愈宏厝置愈密矣吾郡自宋以來山川啟秀風景常新卽一橋觀之而知天時地利古今異轍而人事亦遞變於其間云溯建置第二

撫郡文昌橋志

卷二

建置

一

臨川出城闔而外汝水限之故東西各有長橋曰文昌橋聯舟爲梁古譏云金石臺分丞相出文昌堰合狀元生言兩橋宜合建也明天啟間議修復費數千金不逾年而衝圯自是無復議舉者其在東者爲東文昌橋

宋乾道初知州事陳公森因東門外噉呼爭渡民甚苦之始作浮梁

淳熙二年秋七月甚雨漂航斷筴無一存者郡守趙

公景明臨令江公霖共新之始於十月戊寅訖於十一月丁卯部使者周公嗣武趙公綱立共佐其費橋東西相維其修百丈聯舟爲梁合五十有四艘歷數十年筭敗

嘉泰中郡主王君謙以筭敗始爲石梁而屋其上費甚鉅而中厄於火王公力復之

寶慶元年通濟橋火焦其半咸謂事難再舉郡守寺丞薛公師且首捐公錢市大木於傍郡請之鄉達

撫郡文昌橋志

卷一

建置

二

侍郎董居誼及五邑之大夫相與勸民佐役命僧妙嚴持簿以募屬長沙宰晏大正監福州長樂縣嶺口鹽倉董鴻達司出內州司戶葉明道臨川縣尉陳浩司程督始於乙酉仲春訖於丙戌孟夏上禁下宇重簷直欄新崇煥矣先是橋面平以板遺燼透罅江風煽之輒不可撲乃敷土甃石禁列肆燎爐其上維舟炊煬其下者且置鑰與城門同啟閉以防火災增創亭三外爲亭一以備送迎西爲

神祠東爲佛廬予以閒田棄地俾妙嚴率徒守視
又拓西南門廣澤庵五十楹以栖楹榭之未能藏
者合公私爲楮幣一萬五千緡書其榜曰文昌橋
東聯文昌堰西屬文昌堂也文昌橋之名自此始
亦以名亭焉

元至正二十四年甲辰春三月帥葛君屯軍橋之左
右卒有栖於橋者遺火焚之墉不燔者三橋之存
僅十有七時城垣肇築關鑿濠塹用堙一墩以廣

撫郡文昌橋志

卷一

建置

三

濠左之路橋之厄莫甚於此

明洪武二年己酉郡守李公廷桂重修未就緒而去
明年庚戌郡守李公敏續其役又明年辛亥業亦
未卒而入覲癸丑四月山水大發橋西第二墩爲
水所嚙石頽屋崩郡守扶風馬公文璧捐俸以饋
匠氏又勸有司以規措木石改命耆宿吳德銘董
工起洪武六年癸丑五月訖洪武七年甲寅七月
其修六十有五丈其廣一丈有六尺列屋於上總

六十有一間東西甃兩石涯各樹屋三間以聯橋
屋皆二丈有五尺取橋之中以底於東西及兩涯
之間奉妥佛氏及觀音大士泗州僧伽天王金剛
等神像

嘉靖間郡守陸公堂與臨令林公恕乃卷石爲洞以
易架木後六十年復敗蓋金隄旣復水以全力注
橋且視敗卷有土宜水入而隳也郡守張公試毀
故墩而加大者四數年而丞晉江朱公子瓚署郡

撫郡文昌橋志

卷二

建置

四

檄驛丞孫耀祖募修其餘仍櫟爲梁三年復燼春
夏間水暴下橋敗石犬牙立破船漂沒者歲常百
十人

萬歷庚戌郡守蘇公宇庶議重興之而艱於費適富
人馬寡婦抱孤孩以占產控郡公勸之曰財散則
孤兒安曷施半以助橋乎遂於三月首事去櫟與
板而以石上下之縮水門之一而增高焉甃之不
以土成不以邸閣中止爲亭以休而繚其闌十月

而水門具逾年而石道平

國朝順治十八年辛丑洪水大圯惟餘西岸兩墩康熙元年癸卯郡守劉公玉瓚修之迄明年甲辰二月歲事計水門十有二其高三丈有一尺其長七十有二丈其濶一丈有八尺繚以石闌中作一亭以懋悉如舊制禁橋上列肆以防火患康熙十五年旋圯

康熙十八年己未郡伯陳公洪諫臨川令胡公亦堂

撫郡文昌橋志

卷二

建置

五

復修之始治一水門計費金六百未幾中拆并敗其傍之一復治之費又倍焉

雍正十二年己酉郡伯唐公孝本派關廂及橋上舖戶一年租息捐輸修葺

乾隆十五年庚午郡伯何公溥復修之至三十四年己丑郡伯許公廷楷臨川令沈公夢龍修尖墩六座做雍正年間派關廂橋面店租計費金七百閱五月工訖餘錢壹千一百七十五千分各典舖生

息以爲治葺橋梁之費至三十九年丙申邑侯程
公元林修尖墩三座東西兩牙頭

乾隆四十八年癸卯郡伯陳公朗臨川令曹公蓋修
一墩兩甕

乾隆五十五年庚戌七月橋圯郡伯汪公如藻臨川
令陽公浩然募費建浮橋合六十四艘

撫郡文昌橋志

卷二

建置

六

